

本館新聞除禮拜外日出一紙諸君賜閱本報者無論本埠外埠均可預致本館取閱如外埠閱報照加郵費可也除日報照常刊送外復不惜工本從英國採辦釘書裁紙各機器以待與各官商刊印書籍單件並有英國各體活字及各式花邊等延有西人排印工藝其精所有中西文字均能刊印並有石版印字大小機器均用精工刊

# 報 叻

(號一十第牌門口虱巴舊在設開館本)

印工緻絕倫惟延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬馬成文以及支離費解者概不登錄嗣後諸君來札尙祈自諒更須寫真爵里而後敢登但來稿登與不登均不能將原稿收回也 本館謹白

凡刊印告白第一日每一字第一仙第二日以下每字半仙 大英一千八百九十一年十一月十五號禮拜二 每張售錢五仙 每月一元 每日每張售錢五仙

新到各種奇書發售 ○讀者本館近由上海姑蘇等處採買各種奇異新書及地輿圖誌等來叻發售其書或銅板木板鉛板石板均無不有且字畫詩書等項尤繁多有動地未嘗經見者其有益於世道人心者實非鮮淺有非徒快耳目者比茲特以廉價出沽諒亦 諸君子所欲先睹為快者也所有各書目經已另列單張附呈 鈞覽閱者 鑒焉 本館告白

辛卯月份牌發售 ○啟者本報所印光緒十七年辛卯之月份牌業經告竣其寫印之工巧固已較勝於往年且復詳加考察核對精微不至有所訛舛以至貽笑方家 諸君欲選購者無論色紙白紙以及填色描金均憑選擇價甚相宜尙懇 移玉早臨不勝欣幸此佈 本館謹白

### 論生財之道開不如節流

大學言生財其道有四生眾食寡為疾用舒是也然必先生眾而後能食寡必先為疾而後能用舒一開源一節流則是分析之為四者止實二而已矣我中國地大物博博佐治多才鹽稅丁漕歲征數千百萬但遵禮經量入為出之一法即不屯田開礦亦宜不致有匱乏之憂今乃府庫空虛京外一致致司農有時仰其屋計臣莫能展其籌噫此何故哉則皆曰練兵製械耗資糜餉使然夫天下之弊患在不知既知之即宜革之請自今始其姑弛防務而罷造作乎曰不能也因其不能於是講求於大學生財四道之中孜孜焉汲汲焉思以生為之有餘補食用之不足而屯田開礦諸議論以發徵之史册屯田始於漢代趙充國開礦之舉肇自周禮亦一人官皆為古制並非西法惟今世實以尚西法之故始議開礦而論屯田屯田今未行無從斷其利害至若開礦則為金為銀為鐵為銅為煤斤諸類各省業已興辦而求其有實效者寥寥無幾甚且未得尺寸之益先糜巨萬之資利一害三蓋財源之不易開也如是今天下事自無之有者其勢常勞自育之無者其勢較逸開財源之事自無而之有者其勞者也節財流之事自有而之無者其逸者也當今之世處今之時誠能勉為其勞信善矣不能則不如從事於逸之一途故大學四道次列食寡呂氏解之曰朝無幸位則食者寡矣以近臣言謂之幸位以疏遠言謂之冗員謹察我 朝開國以來內外職官裁置不一至道光十三年京外各直省皆奉裁汰冗員之 旨計直隸一省自通判以下共裁去廿餘員江蘇省裁去華亭縣主簿鎮江府照磨金壇縣湖溪巡檢江甯府照磨揚州府檢校等缺又南河裁去丹徒縣縣丞儀徵縣開官如皋縣縣丞興化縣縣丞等缺此外若閩若浙若湘若粵若陝西若雲貴各有所裁大抵官無專司而其事可歸他官兼理者即在冗員之列亦即在奉裁之中 朝廷此舉洵得大學食寡一言之法矣然除所裁外容有不實不盡且今日所謂冗員者亦豈止於職官而已哉一卡也委員而下冗者或十二三焉一局也總辦而下冗者或十四五焉一關也權使而下冗者更或十六七焉推之衙署亦復如是區區一縣治而散吏白役少者十百多至千數上之為府道又上之為司院其間伴食之夥可想而知嗟夫官案中之一勺一粒孰非府庫中之一銖一鎰乎巨案中多取分文即府庫中減少分文散之雖見少聚之便見多盈千累萬之資悉由鼠蝕盡使而去沿此不變雖傾南山以為礦酒東海以為田伯益司爐後稷負未五金百數餘蘊不留亦不足以填無底之壑何有於廣征之數千百萬哉然則為今世計誠宜 飭下各疆吏詳加察看嚴汰冗員方合樽節財流之道流既節斯可以議開源矣或謂數年前朝邑相國長戶部時所進開源節流一疏亦曾論及於此然至今各直省未聞裁過一員員減過一閒俸蓋亦深見夫近日仕宦擁擠佐雜清苦一經裁減非所以勤捐生而廣 皇仁獨有出使隨員薪水本便故自近年起折發八成其事彰彰在人耳目間可不謂富軸大臣權衡得當然愚竊謂直省散員可裁外洋隨員不可裁外洋隨員猶可裁外洋隨員之薪水似不可減今世富軸大臣誠立樽節財流之法與其自遠始不如自近始因撫所聞聊貢一得願為任天下事者借箸籌之

### 荷京京電

荷王近來政體久已違和故由諸大臣議舉荷后暫為攝政所有各節迭據電音登報昨荷國駐叻領事官接悉荷京長電謂王駕業於十二早六點鐘時薨逝而荷京諸大臣均已齊集朝堂所有各屬亦均停閉以誌其哀等由并聞荷王薨逝後尚無儲貳故立長公主嗣其位并由太后垂簾訓政云噫荷廷此舉亦有不得已而然也

英京商電 ○初十日英京發來電報云前者倫敦商捐助馬陵兄弟公司之項現已增至十五兆磅之多而太晤士西報因論之  
觀此情形則該公司生意可以由此而復蘇矣

荷蘭電音 ○初十日英京發來電報云荷王因政體違和不能職政故由諸大臣議舉皇后為攝政現已舉行攝神之禮惟官行禮之  
際荷后及諸朝臣等均有戚戚之容蓋心念大君故不覺中情流露也

刺查金礦股份行情電報 ○初十日新金山勿里士文來電云刺查金礦股份現在價值二司令七五至三司令之譜此與昨電所言  
之價尚無所增減也

禁運軍火 ○初十日日本城憲報云自西十二月一號即華本月二十日起六閱月內凡有軍械火藥等物概不得由實得力載運出口  
至荷國印度各地方云愛即列登以備旅叻者知所趨避焉

補授運司 ○閱初十日日本城憲報有言前總巡捕官關樂業經致仕所遺之缺即以現署總巡捕官麥疏補授等由此事本報前者早  
有所聞但以未經憲報列明故不便妄為列入茲閱憲報載有此事愛即為之錄出俾眾咸知云

議留局員 ○本坡吧智中西豐洋行東主兼充工部局東陵地段人員沙八君辦事勤能持躬謹慎留心民瘼遇事敢言曾經兩次舉  
充局員所行便民之政不知凡幾現在將屆年終工部局局員照例枯圖辭退而沙君適圖得辭退之票故須照例告辭現聞有大狀師麥敬疏  
擬將沙君再為舉留而慕娘公司東主薩甸君和之欲俟公舉局員之時再入以舉沙君充當此任所願本坡人士踴躍為之公舉則生民所  
賴夫豈鮮淺云爾哉

實蘭莪火車近耗 ○實蘭莪火車公司自開辦以來日饒起色茲接該處來信云該公司於西去月間所收之項計共二萬八千元之  
多而去年是月所收計得二萬三千五百元然則本年是月較之已增收至四千五百元之數則其生涯日盛從可知矣

嶼商謝世 ○檳城華商林君璋璋接物慈善宅心忠厚且深識英國語言文字并曉律法為海外有用之才乃近接檳城來信有言林  
君已作古人一時戚友聞之莫不大為嗚惜所幸者佳兒麟膝後起有人計其兒女共有十四人之多然則林君雖在九泉或亦可以無憾矣

華備自戕 ○檳城遞來信息云初三日永生輪船由叻抵嶼有華備一名在船曾舉斧自戕其頭數次致傷多處諸人疑係患有狂疾  
因將其執獲送交嶼府旋即解赴醫院調治等情聞該備所以自行斫傷之由因欲脫身不受工頭拘繫之故不知實得力所立華備規則業經  
烏廉訪斷定所有已還船稅者無論其本人所償抑或他人代償均不得為之拘留抵埠之後即任其自主諸客頭不得相強等情大抵該備尚  
未知有此規故致有自斫之事也

酒水雜音 ○酒水遞來近信云前月間該處土油因堆積太多之故以致價值為之頓落且俄國所出之油價雖大廉亦竟無有願為  
買受而美油則雖價值賤貴人皆買而用之蓋因美油之質遠勝俄油故也

擬禁烟水 ○近閱憲報有云本坡市上現在所售之戒煙藥水其售實多一則有礙承充烟碼之利權再則飲此藥水之人亦為所害  
故擬將此事交議政局為之議禁等情因按此等藥水近來頗見盛行人爭購而用之不惟叻地大遭銷場甚即蘇門答臘以及汕頭廈門等處  
亦至叻中探買計此等藥水叻地每日所售不下三四千磅而其價值竟有千元之外以致售賣藥水之店小軒為之一空向覺不敷所用則其  
銷場之旺有可知矣因查此等藥水乃西人將烟土一物如法製煉而成藥粉攪於水中以印度生土而計製成此粉可得五成之數有奇然則  
飲此水者實與食烟無殊又查叻中沽賣此等藥水者其初每瓶不過僅入藥粉三四宜蘭之譜嗣緣賣者太多各爭生理因遂加增藥粉至每  
磅增至七宜蘭之數此以為藥粉既多則人服之屢足即無復思烟吸食由是人遂喜而購之也不知此等藥粉曾經歐洲醫署驗明及名醫考  
驗此粉極毒與鴉片無殊人若屢至四宜蘭即能斃命若按日服食些小則其毒緩緩而發前者歐洲曾有人服食此藥致受其害然則服食此  
藥殊不相宜本報早擬為之詳論以便警覺諸人誠恐閱者不察致疑本報有所偏私以故欲言而止今國家既有嚴禁之舉故始為之論明倘  
諸人有志戒烟可向中西醫生處請求方藥又有何必向此毒藥而輕為嘗試也耶世有聰明人觀此亦當可以幡然悟矣

名臣聯婚 ○俄國遞來郵耗云聞德國前相卑公之長公子現已聘定前刑部尚書某公之女公子為婚據來信所云某女公子有絕  
代容光且家擁多資其富實甲於德國富而且美卑耶之豔福當不淺矣


人販行奸 ○近接三寶壠信息云現有某華人至於該處村落四行招募婦人據云係來叻作工凡有願往者即交安家等費與其父  
母不知到叻之後即將各女交與某公司繫往各處作工或為娼妓等事但該華人行踪甚為詭秘離經駭地方官長嚴行查捕竟無從得其踪  
跡也

蒙恩省釋 ○昨報閩人陳瀨以鎗擊傷梁和致命一案初十日業經臬堂訊定以該女所供前後有不符之處故陪審諸員稱被告為  
無罪憲乃判將陳開釋云

出賣三品



啟者本行督辦歐洲馳名三品洋酒來叻發售其酒係白頭款式製售有年沽飲諸君莫不稱其香爽奈近有無恥之徒假冒本庄三品酒款式以圖魚目混珠情殊可恨嗣後諸君若買本行白頭三品酒者請細認本號招牌之內有小紙包頭計華字新標發續明也公司者始無佳若此字樣即屬偽冒請為細認特此佈聞 大英一千八百八十五年十二月十九號 明碼也公司謹啟



嘗思營生之道所最要者則惟儲蓄其次則惟銀兩然必須有以善藏始無意外此本行鐵櫥所以為諸翁之所共賞也啟者本行所賣之鐵櫥久已馳名於東方一帶而於叻坡則聲名尤著至本行沽賣此等鐵櫥已有三十年之久其製甚為堅固保能避火且其匙鑰甚妙斷非盜賊等所能開計其全身均用鐵製無雜成並以木料且諸櫥自前至今均為一式堅固前無有優劣之分至於各櫥大小不一而價值則約一百元至四百元凡用之者可保其不礙焚燒即遇出火災亦無所損本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘諸君有惠顧者祈即玉臨選購為盼 大英一千八百八十九年十一月廿八號 大清光緒十五年十一月初六日 明碼也洋行謹啟

烏密酒發賣




啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭烏密酒到叻應沽此酒香爽異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酷飲者請至本行取用可也此佈 大英一千八百八十八年八月十五號 明碼也洋行啟

法國頂上蜂窠標萬蘭池酒出售



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂窠標頭為記並細辨香味方不致誤價甚相宜倘有躉份之購者祈早至 惠臨沽買是幸 大英一千八百八十八年六月二十號 大清光緒十四年五月十一日 明碼也公司謹啟

蜜酒出售



啟者本行由歐洲辦到上等密酒來叻發售其酒甚佳茲將標頭印出請君光顧所為細認免致有誤倘有無恥之徒假冒本行領匙標者本行定必嚴為控究再此酒不能販往加勝吧 三寶壟 泗里末 望加錫 檳榔嶼 日裡等處其他各埠均能運往並此佈聞 大英一千八百八十六年十一月十八號 天 明碼也洋行謹啟



**鐘鏢出投** ○啟者本行由歐洲辦到各款時鏢來助發售其鏢金銀鋼質等類無不有之計此金鏢之價每枚由廿五元至一百五十元銀鏢之價則每枚由八元定二十元鋼鏢之價每枚由三元至十元並有石面時鏢每具價銀由二元至二元五角又八日鏢之時鏢每具價銀由四元至十元更有各款金器甚多不能備錄 諸君合意祈早 玉臨選購是荷此佈  
大清光緒十六年九月二十八日 大英一千八百九十年十一月十號 橫申公司謹啟

**賞格** 立賞格人 苑生號有彼李慶炎欠去銀項為數甚鉅蓋他乃前年承充本坡烟酒餉碼之人當日伊家所有椅桌銅器玩物約值銀三千餘元其山頂別墅椅桌銅器玩物約值銀九百餘元另有金銀器磁器不計其數當慶炎初死之時各處之物件依然俱在迄今僅閱年餘諸物盡歸烏有似此變遷殊深滋訝特高懸賞格與 諸君約倘有知其搬出寄頓何處或知其有與人暗作生理或明買各公司股份及暗插各項生理股份或買有地段或建有屋宇或將銀項捏作他人名字出借或買有房屋假託別人名號無論在本坡或麻六甲檳榔嶼 上海 昔仔莪 吉龍 日裡 被埠 那律 柔佛暨荷屬等處者祈到本號報說俟查明確實俾得追回抵償之後願將該物項對半均分以酬其勞如該物價值在一萬元之數則賞給報說人五千元或多或寡照此遞算決不食言至遠近各色人等凡有金銀銅等器及家器產業買賣慶炎以及慶炎死後會將金銀銅各器代為兌出或將股份物業代為暗典於人均祈前來報知如果証據顯然本號自當酌量給賞此帖是實幸勿懷疑 大清光緒十六年九月二十三日 苑生公司章芳琳謹啟

**登照** 工部局告白 ○啟者特此通知本坡諸君知悉本坡所有諸紳商其有可以公舉局員及其本身可為局員之芳名現經本局列呈國家以便刊入憲報之內而本局亦將芳名列妥以便諸君到而查閱倘 諸君芳名或有漏登之處祈即 玉臨本局或函致本局通知然函內務祈列明姓名住址以及有何憑據可為以上所列兩項之人俾得查核為之補入諸惟 諒照特此預聞  
大英一千八百九十年十月二號 大清光緒十六年八月十九日 工部局司理人厘兒不勝宜禮謹白

**新到頂上呂宋煙及各式煙等發售** ○啟者茲本號常有新到頂上呂宋煙發售其煙乃本號親在小呂宋採辦上料精工監製載至本坡發售其煙之名號如 刺因修刺 刺千士丹西亞 刺巴刺 下路高美打民路烏里因知等名煙無不俱備又荷蘭及春刺馬即仰光等煙亦常有便沽其荷蘭煙乃向荷京之蘭亞卓等家購至而春刺馬即仰光之煙則向仰光曼多尼等諸名家購辦載來而本號并傳新煙之煙乃將西國之頂上名煙捲就如咸馬愧刺勞士 刺因修刺 春兒那勿刺乙 瑞乙加波路等 各名煙均無不有此乃向美國家兒那地方亞蘭仁打號所選購其香清越其味醇厚令人吸之心曠神怡迥非他家所及其土耳其之紙煙乃向土京毛刺池公司採辦而本號并有督辦頂上之棉不勞參及馳名之直里加士打即三金塔之美國煙絲發售以備 諸君自行捲用並常有呂宋煙袋及各煙盒呂宋嘴等發售而價噴之款式甚多可備 諸客選擇前自辦各式煙紙如 威容 高士精寶來乙 然 馬路居士 埃奧美等款式甚多不能盡錄 諸尊惠顧無不格外從廉以冀廣為銷流倘 諸紳商有欲賜顧者請至土庫花園邊第八號門牌吉靈拍賣館之隣細認門前大玻璃窗上書金色西字招牌庶不至誤特此佈聞 大英一千八百八十九年十一月廿六號 打峇基里亞幼尼巴西烟店謹白

**再為佈告** ○啟者本號以上所出之告白有煙名曰刺因脩刺者煙此乃天下馳名久為眾士商所共悉其真漢拿裝者乃特聘龜靈之最上名工所製其卑立巴因裝者乃為前者小呂宋國家督造呂宋煙之工頭督製其煙葉乃精選本號自種之刺伊沙未刺里加牙兒安及巫越打亞答桑園中所產之頂上煙葉所製此煙於前者歐洲開設賽煙會之際曾經往賽已得有金寶星二顆因當時會中天下各國所製之煙無有能出其右者於此可見本號之呂宋煙久已馳名於天下而 諸士商所樂為之購者也是以本號另行分枝一間在新嘉坡土庫花園邊第八號門牌吉靈拍賣館之隣以便諸紳商人等時加惠顧以應所需倘蒙 諸翁賜顧尚懇移 玉前來以憑選擇本號於西國各煙無不備有且其價格格外從廉尚懇惠臨不勝厚幸特此再啟 英一千八百八十九年十一月廿六號 打峇基里亞幼尼巴西烟店謹白

**白蜜酒出售**



啟者本行親在歐洲督辦龜麥之白蜜酒及卑施拿之白蜜酒來助發售其龜麥之酒係作飛燕標 卑施拿之酒係作熊標其酒香美異常可以止渴潤腸且縱多飲亦不至有醉人之患在叻嶼甲各地以及蘇門答臘慕羅暹羅安南等處 諸君均喜飲之而叻地各酒店更多購用本行之酒可見酒質之美故能廣擅銷場



而本行并有希打馬號之威實枝酒及蘇禮勿蘭號之狗標加歷力酒均係西方佳釀且價廉味高與市釀大相逕庭而本行復製有紙烟及歐洲各式烟發售更有鐵廚製造其精無雜以木料而其鎖鑰非盜賊所能開本行之沽賣此廚已有五十年之久素蒙諸君樂為購用并有製造水塊之小機器出售其機器內可製頂上水塊七磅精美異常 諸君有欲賜顧者請移玉惠臨選購為盼特此佈聞 大英一千八百八十九年十二月二號 葛士兄弟洋行告白

十尚類於編為人勤儉善於居積有友某甲為烟花之主者欠其會銀數十兩屢索不得遂以兩妓作抵除償債之外尚多贏餘黃找銀若干予甲仍置二妓於馬沙妓院而奇貨居之由是植得錢樹兩株不知幾許蝶蜂爭鬪矣其妻向少艾頗具姿首黃携妻居於店後而家焉店之隔壁某乙居之亦印花紙工而黃之同族也鑽穴以窺黃妻而悅之因以同族同行之誼借事時相往還遂私黃妻而黃不覺也月之初五日黃因作工餘暇往馬沙某妓院課其兩妓夜合之費甲置酒款之酒既醉止遂留宿焉乙知黃外出不返遂踰牆宿於黃妻之室復踐私約比曉猶酣睡不起為徒伴所窺走告於黃黃怒而歸寢門猶未啟破扉直入乙始驚起攬衣走出黃與其徒逐之僅拉住乙之髮一縷乙斷之而逃黃追乙不獲隨而縛妻將繫之族中人聞其事者多至勸解黃不得已祇辱毆其妻而罷一頂綠頭巾遂戴之而不辭矣人謂黃買良為娼而享其利因即報於其妻誓世詩云家中自有待還人你若賴時他不賴其是之謂乎

赤嶽零拾 ○基隆獅球嶺下柑子口地方有茅屋二十餘家鱗次櫛比雞犬無驚儼然一小村落也日前忽以午炊失慎致兆焚如左近鄉農及來往途人帶同施救幸即撲滅事後查知則已燒斃男婦八人皮肉狼藉行路惘然臺地現改行省一切有關政體之事均經當道創辦似乎城廂內外及各鄉鎮市亦應創製水龍及太平缸等事以防不測所願官斯土者採及芻蕘勿以事小而忽之也○水轉脚某姓家少年夫婦琴瑟素諧日前忽地勃然致交占反目婦忿極極取青蚨二百翼就某烟館購取洋烟烟館夥見其神色異常遂以假烟膏給之婦持歸冲風更換衣履偃臥在床少頃其夫歸見婦情形急奔往烟館詢問知所給非毒物乃歸而再三慰婦聞房經濟非外人所得知良久婦方意轉破涕為笑遂為夫婦如初○淡水茶葉以秋季所採者為最佳本年春茶開盤每擔不過值銀三十五六元最細者亦不過五六元至秋茶入市則價值頓昂雖中等者其價亦在春茶之上日前由和記瑞記各洋行開盤有廣合和號裕興號吉星隆號等棧售出萬餘箱價值六七十元由是以觀今季各茶商當可略沾微利矣○飛捷兵輪原為修理海內電線而設日前修線機器忽有損傷管駕吳植夫總戎其情函致機器總局請為命匠造修當由局憲張理輝廉訪特派工頭工匠各兩名前往該船修理現已一律完竣照常往來各埠矣

風雨為災 ○日本信云上月十六號午後六點鐘時香川縣下忽起暴風繼以猛雨高松市及附近各村人被其害死者九名傷者八名并衝死牛一頭倒塌房屋一百二十所損破一千一百十所决潰隱防十九處沉船三艘流失三艘破壞三十艘道路壅陷十五處橋梁流失三條復破損鹽田三所田烟九所亦可謂非常巨災矣二十三號午後四點鐘時鹿兒島又起大風至上燈時大雨如注其聲狂吼與海岸怒濤聲相和至十一點鐘時始定傾屋數處傷及人畜頗多某夜宇土郡三角小患暴風人家屋瓦四散紛飛有木工在家屋坍塌被壓斷骨折至翌午而亡慘慘已哉

庚寅 恩科武會試金榜題名全錄

- |       |       |       |       |       |       |       |       |       |
|-------|-------|-------|-------|-------|-------|-------|-------|-------|
| 張憲周山東 | 李承恩四川 | 譚 蘇湖南 | 陳邦榮直隸 | 吉 陞鎮紅 | 張宗藩河南 | 林桂榮江蘇 | 齊萬福河南 | 富 亮爾紅 |
| 馬中選河南 | 孫有慶安徽 | 宋明都河南 | 楊琦璇山東 | 劉臣良山東 | 常連三河南 | 周炳元江蘇 | 張健興山東 | 朱懋昆直隸 |
| 任安國安徽 | 郭樹藩四川 | 申琴堂直隸 | 王治國安徽 | 荆鴻恩河南 | 葉鴻鈞安徽 | 梁之楨直隸 | 王恩元直隸 | 劉鴻章直隸 |
| 曹國棟四川 | 劉鳳儀直隸 | 王登科直隸 | 蘇凌漢山東 | 馬文煥直隸 | 嚴桂章安徽 | 王陞官直隸 | 呂國銘江蘇 | 王耀斗直隸 |
| 王統三河南 | 楊志信直隸 | 孟 慶湖南 | 陳運超廣東 | 錫 光正藍 | 沈汝驥江蘇 | 杜同春直隸 | 康方正河南 | 倪贊清直隸 |
| 章文蔚廣西 | 吳永福江蘇 | 李鳳揚廣東 | 王鵬舉山東 | 宋品元江蘇 | 蕭 錦湖南 | 秦鎮熙江蘇 | 樊衛棠直隸 | 李榮標廣東 |
| 王國鼎四川 | 孫士英河南 | 馬壽魁安徽 | 李國標廣東 | 任金瀾四川 | 林冠軍廣西 | 陳雲安福建 | 周春彩雲南 | 甘大宏湖北 |
| 吳朝高福建 | 劉松源山西 | 曾紹儀直隸 | 蔣明海四川 | 何樹基陝西 | 張一元山西 | 彭鴻陞江西 | 李萬魁山東 | 郝樹屏山西 |
| 莊家龍廣東 | 何炳烈四川 | 毛霖熙廣西 | 唐迪光四川 | 李九成山東 | 王虎臣浙江 | 薛 珉山西 | 葉穿楊湖南 | 王家斌雲南 |
| 王榮芬江西 | 柳獻廷江西 | 吉人傑陝西 | 祁 斌山西 | 李之輝雲南 | 曹 雋陝西 | 周俊英廣東 | 白瑞明山西 | 袁廷佐陝西 |
| 賈應庚浙江 | 陳玉書四川 | 李吉星山西 | 許桂芳浙江 | 詹慶福福建 | 孔憲武山西 | 潘琮麒浙江 | 鄭應輝福建 | 林捷三福建 |
| 黃定魁江西 | 宋一清浙江 | 李玉麟山東 | 趙三台直隸 | 王振魁山東 | 吳振綱直隸 | 和 潤鎮紅 | 鄭春江直隸 | 唐高林湖南 |
| 潘金山安徽 | 丁耀武直隸 | 徐 恂奉天 | 陳慶龍廣東 | 郭希曾福建 | 玉 祥正黃 | 官 琦山東 | 韓道益湖北 | 張功成貴州 |
| 羅經書湖南 | 呂鎮鑑廣東 | 葉國琛廣東 | 潘春魁福建 | 黃國鈞福建 | 涂連元江西 | 熊炳元江西 | 劉克三湖北 | 梁瀚章陝西 |
| 張廷松貴州 | 陳朝威廣東 | 馮之編江蘇 | 杜大鴻安徽 | 周鼎中安徽 | 張殿元江蘇 | 張飛龍浙江 | 潘登雲湖北 | 鄭允承廣東 |
| 王懋章福建 | 徐鳳標浙江 | 劉祥瀛廣東 | 楊慶元雲南 | 趙大魁福建 | 謝喜獻雲南 | 林金鏡福建 | 何錦全廣東 | 蔣達杰廣西 |
| 陳兆麟廣東 | 趙宗晉雲南 | 韓有書陝西 | 江佐畿廣東 | 徐鴻熙湖北 | 彭拔魁湖北 | 柳獻祿江西 | 王作樞江西 | 江德三湖北 |
| 段春茂湖北 | 岳興貴貴州 | 楊冠英福建 | 彭興邦江西 |       |       |       |       |       |

**修理水局告白** ○啟者本局總辦人員之命因修理自來水局而西本月廿三號即華十二日禮拜日所放之水上午由六點鐘起放至九點鐘止下午由五點鐘起放至八點鐘止特此通知各宜預備此佈  
大英一千八百九十年十一月廿二號 大清光緒十六年十月十一日 工部局司理人釐兒不勝宜禮謹白

**工部局告白** ○啟者茲招人入票承充以下所列各事宜今特條開如左 一舉劃木多寡不等 二拿汝及施里學木此係零星所用 三加定木及民東義木 四歐洲灰 五石灰 六牛隻以為牽駕掃路車之用 七牛及牛車以便搬運物件 八牛隻以便牽駕糞車之用 九雜物 十一舉薪 如有欲承充以上所列各事者可至本局取討票式倘欲知其詳細者每日可於本局開寫字樓之後到來詢問但入票者每票須交銀一百元如未准與承辦即將原銀交回若准其承辦則將此項留出撥歸其人担保項內所有各票務於西本年十二月三號即華十月廿二日以前送交本局聽憑選擇不得執價低者得之說爭論特此佈聞  
大清光緒十六年十月初九日 大英一千八百九十年十一月二十號 工部局司理人釐兒不勝宜禮謹啟

**聲明告白** ○啟者小坡鐵巴虱對面第五十三號門牌源豐號號號及船隻生理係於甲申年經黃可輝 黃可學 王永祥 龍學成及錦源號合夥同創計錦源號所落老本共銀一百七十餘元數年以來該號陸續支回大銀一千餘元迨至本年五月底結數之時錦源號尚存本息共二千六百餘元嗣因錦源號生理不前該號司事鄭志明欲將其所附源豐號之股退出即與黃可輝等言之遂於六月初旬將數帳明錦源號應得折實銀一千八百元作為退股彼此均皆甘願但時向未書立退股字據而黃可輝適有要事鄉旋因將此事託交胞弟可學辦理未幾而錦源號已被債主封禁時可學恐私立退股字據未足為憑乃將此款交與狀師欲立英文字據詎鄭志明以為若立英文字則費用甚昂故恐可學收回其銀未幾而錦源號被封之事業已調停了結店號復開可學見此情形因允所求將此銀收回改立華文字據鄭志明竟平地生波又欲加收銀數條件不允而志明即將此事呈控案案幸蒙 臬憲明察秋毫將此事仰兩造在外調停遂於本月初四日親到公親 林鴻儒 梁居文 符愈貴 雲崇本 黃昌明諸君駕臨理處由本店補回銀一千八百元與錦源號作為退股業已交易清楚日後本店生理盈虧概與錦源號無涉先此聲明免致後論 光緒十六年十月初七日 源豐號黃可輝 黃可學 王永祥 龍學成同啟

**麻六甲工部局告白** ○啟者茲照一千八百八十七年所立第九章內第二十条章程及一千八百八十九年第十七次所定更改前條章程欲在本埠公舉局員一名此事定於西本年十二月十一號即華十月三十日禮拜四在本局內當堂選舉是日於上午十點鐘起至下午四點鐘止所有選稅之人可以到本局入票公舉至其票式諸人可於是日向本局取討便得特此預聞  
大英一千八百九十年十一月十七號 大清光緒十六年十月初六日 麻六甲工部局總辦人員夏媚謹啟

**馳名威士枝酒** ○啟者本行在叻代理發售仙裡谷威士枝酒此酒天下馳名而實得力三府諸士商尤為嗜嗜因其氣味清香且能除煩止渴飲此酒者能令心曠神怡至此酒在叻發售惟有本行一家而叻地各酒店多有至本行販而零售者且其價甚相宜每箱僅取銀四元七角五占 諸君賜顧祈早惠臨為盼 大英一千八百九十年十一月十四號 牙直里洋行謹啟

**東方典當及代理有限公司告白** ○啟者本公司計集老本銀一百萬零二百五十磅而已收諸股份人之項計有六十萬零二百五十磅專為典當借貸以及代理各事宜倘叻地 諸士商有承遠自主之業或為貨物或係股票或係他項穩妥之件及工部局前者借銀之單抑別項單件行於英京者均可持向本公司告貸即以此物為質 諸君賜顧祈早 惠臨為盼 新嘉坡協理人莫士得洋行東主加末申心士洋行東主吉力 巴智申西登洋行東主沙八 駐新嘉坡代理本行出入銀兩渣打銀行 代理本公司狀師直汝拿丕亞  
大英一千八百九十年十一月十五號 大清光緒十六年十月初四日 代理人巴智申西登洋行謹啟

**戒烟靈藥** ○啟者本號蒙英國名醫秘授戒烟藥水屢經試用奇驗異常即老年煙癮飲此藥水如法而戒莫不能令烟癮消除且其功能鎮心甯神益精潤肺助肝腎補脾胃不但能除烟癮且可兼治一切烟病如法飲服其效如神 諸君有欲購用者請移 玉惠臨本號選購為盼 大清光緒十六年十月初二日 大英一千八百九十年十一月十三號 新巴虱第二十三號門牌李天泉謹啟

**工部局公舉人員告白** ○啟者按照本局所定第三十五條章程本局員內有三人例於西本年十二月廿一號告退該員所轄乃丹戎巴葛第一段東陵第三段加籠第五段地方今其告退自當再舉他員以承斯任故現經定議於西十二月十一號即華十月三十日禮拜四在本坡大會堂內入票公舉人員以承斯缺其入票之格式可向本局領取便得特此佈 聞  
大英一千八百九十年十一月十三號 大清光緒十六年十月初二日 工部局總辦人員下力山打然直謹啟

**貨棧店舖出賃** ○啟者本公司有貨棧一間廣闊異常坐落甘公廟六甲之甘明街第十號門牌并有店舖三間坐落甘公廟六甲之根街第九號第十號十一號門牌又貨棧一間坐落三美街真興棧之巷內第十一號門牌欲欲出賃與人倘 諸君有欲稅居者請至本公司相商便妥謹此佈 聞 大英一千八百九十年八月廿九號 大清光緒十六年七月十四日 新嘉坡保險公司謹啟



再行辨白 ○前日萬山流內有人在星報妄登辭件聲明告白業已將其謬處據實辨明矣乃昨閱星報又有自彰其醜之告白大書特書閱其所言更多謬妄識者已知其偽本不欲為之厚辨但恐不知者聽其一面之詞致為所惑故迫得再將其理指出以俟 高明分其涇渭焉按其所言白所滿紙漫罵之詞其是否出於仇如可以不言而喻矣至謂余所吞之項無力賠償問與不問俱於事無益究不知容之為佳云云斯語也甚為牽強適足見其掩飾之端如謂余無力賠償則余縱不肖亦未嘗有欠人之項以至潛逃現在該號隔鄰自創福茂號生理且此項向未歸案討又安知余之無力即以余為無力亦應索問問而不與即當控訴公庭何以並無索問一言而遽登告白以行誣讒彼固自謂究不知容之為佳則彼自以為量可容人故不向余索問矣但索問之事尚且能容又何致妄登告白誣人之醜反不能容乎觀此則其所謂容者實係遁詞無以解嘲故作此為掩耳盜鈴之計然則所謂自彰其醜者得無為其人自道者乎但余不才亦自問頗稱抗直非若他人之承先人餘蔭而遂侈然自驕自滿者幸 高明其垂察焉  
大清光緒十六年九月廿一日  
中街第八十七號門牌福茂號陳羣英謹白

特授北慕娘兼管納閩等處地方輔政使司茅 為招承餉碼事照得現奉 督憲札開本國家欲招人承充一千八百九十一年本境內烟酒等餉碼須照以下所列而行計開 其一鴉片烟餉承充此項餉碼者其承餉人可以裝載烟土入於納閩及其轄下各地以及煮烟賣烟出牌與人賣烟并沽賣烟灰等事至於辦理該烟碼之事須照納閩一千八百七十三年所立第二條章程及北慕娘國家於一千八百八十九年所出第三號之告示而行 每烟土一粒所煮之烟不能逾廿七兩之額 所沽之價如十元則烟六兩八錢 五元則沽烟三兩二錢五分 一元則沽烟六錢二分 五角則購烟二錢九分 每烟一錢購銀一角九占 每烟一分購銀二占 每土一類賣酒餉承充之人可以載酒而入以上所列各口及出憑與人販賣各酒及華人所釀之酒并各色酒即蜜酒亦在其內而辦理此碼章程可銀四十元算 其二照一千八百八十九年所出第八號及一千八百八十八年所出第三號之告示而行 其三當碼承充之人可以自改舊律之第一條章程及一千八百八十九年所出第一百三十一號之告示而行 其四賭碼承充之人可以自行設賭以及出憑與他人設賭然此碼當照一千八百八十三年所出第二號告示及一千八百八十九年所出第七號之告示并一千八百八十九年所出第一百零八號之告示而行惟納閩則不在此論 其五出入口餉稅之碼在東方所抽出口之稅則如沙藤樹乳黃蠟糖膏木料及山貨海貨等而入口之稅則各烟各酒食鹽火柴等其在西方所有出口貨及稅則等均與東方出口之貨相同惟入口之貨則隨鐵錫各酒雜烟火藥及布疋等物 其六勿刺煎碼凡承充此碼之人可在該處捕蝦及製做勿刺煎并可出憑與他人捕蝦及製做勿刺煎等事 其七乃在刺美迷地方採取燕窩餉碼承充之人可以在馬台及施牙隆採取燕窩而國家所抽什一之稅亦撥歸其收取 以上各餉碼如有入稟願為承充者不得移行混列必須逐條分列以歸清楚如有欲承充數處地方餉碼者則每地須另列一票照以下所列而行 一由北慕娘西方巴打士港之施卑同河起至東方施模高港及納閩所轄各地方止然此惟承充鴉片之界限他碼不得援以為例 二由東方之丹戎伊拿呂東起至施模高港止然拿威 刺目 土兀 仙那港 根那峇東眼及施牙馬等一帶河港皆在其內 三在三寶壟地方由三寶壟起至峇株何那兀止 四西方各地由丹戎伊拿呂東之北境起至施卑同河之南境止然萬外 峇南峇眼海峽及納閩皆在其內此亦鴉片碼為然他項餉碼不得援以為例 五古達各地由丹戎伊拿呂東起至三寶壟牙塞止然所有馬呂猪河中各港及萬外峇南峇眼各地皆在其內 六牙耶地地方由三寶壟牙塞起至萬牙灣河止而淡巴塞 亞買 暗望 士刺壘 大蘭 牙耶港 拜打丹 巴巴 基馬尼士及所有南方各港皆在其內 七巴打士地方係由掛勝班油起至施卑同河止而基里亞士及巴打士那密 巴打士勿殺及施卑同河南方各港及納閩亦在其內此亦鴉片烟碼為然他項餉碼不得援以為例 八納閩及其所轄各地方所承餉碼惟有鴉片一項而已 至於所入之票每紙須詳細書明在一千八百九十一年所承何項餉碼而是年應繳餉項若干如欲承充北慕娘各地方及納閩東方之餉碼或承充仙那港東方一帶酒當賭及出入口稅者且稟務於西本年十一月三十號即華十月十九日以前送交本署而票面均須用火漆印封固而票封亦須寫明承充餉碼機密等字樣方能投遞倘諸人有欲分承古達 牙耶巴打士 打末馬 或納閩等處其票當於西本年十一月十號即華本月廿八日以前送交該處參政司亦無不可所投之票任由國家選擇而國家亦斷不能執價高者得之例也至於入票之人及其保人約須將其姓名住址及其所為生業詳細列明然有人欲入票而不欲列其真姓名者亦可書寫別號然新書別號不得逾三字之限而其人務須再寫一函將其真姓名及其入票所用之別號一一列明並須畫押送交北慕娘制軍府內其函外務須書明機密等字樣方合 所有以上各餉碼均須遵照現在國家所定之律及他日國家所更定之律而行倘諸人欲知其詳細者可向仙那港之庫務司及各地方之分府或本國家駐紮港叻之代理人處詢問便得其詳特此示知各宜踴躍幸無觀望切切特示 大英一千八百九十年十月廿一號 大清光緒十六年九月初八日在仙那港示

慕娘 招 北

承 餉 碼 示

示 碼 餉 承

承 餉 碼 示

示 碼 餉 承

承 餉 碼 示

示 碼 餉 承

承 餉 碼 示

示 碼 餉 承

承 餉 碼 示

紅頭仔標萬蘭池酒出售

藥 功 奇


近來之沽賣藥酒者多矣然就余之所見則最妙者尤莫如壽春園之鹿骨膠酒姑無論其酒味之醇酒質之厚且其用之之藥實為神醫以精製非尋常所能望其肩背且其功能神先後二天之不足無論一切內外諸症飲之均效功難盡述余親試之有驗不忘其德爰為刊報以彰明此酒之佳現此酒在叻玻璃後第十五號門牌長源號發售且取其廉每樽銀二角半每逢朔望則每樽沽銀二角諸君沽飲便知余說之非虛也  
光緒十六年閏二月十三日  
南東世說徐海瑞謹識



拿模只公司等西字為憑庶免為珠目之混是所切禱  
大英一千八百八拾九年 拾二月三號  
不殺呼聲即前加珍洋行謹啟

啟者本公司所製之紅頭仔標萬蘭池酒馳名已久乃在歐洲名家所製自一千八百一十九年相傳至今已閱七十年之久而其酒收存有數十年方肯出而沽賣故其熱氣概已全消所以 諸君沾飲者均深獎譽在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沾飲者無不盛稱其美且此酒與本坡天氣甚屬合宜 諸翁賜顧祈細心辨認紅頭庄及以上所列各標頭并有來士古乙

鐵 櫃 出



正金鐘標萬蘭池酒出售



啟者本公司所督辦正金花鐘標萬蘭池酒久已馳名叻地華藉諸君子均喜用之現已議定與本坡酒公司包銷以應零沽凡 諸翁有欲客購者請至酒公司沽買便得如買成起以便配往外處者仍可至本行沽買至此酒

製造之法精妙異常酒味甚清以之蒸釀者皆為上等之料保無偽充之弊此酒若仕本坡沽飲且價亦甚廉 諸翁沽用須為留心辨認以防魚目之混因  
新嘉坡五坡嘉辦  
前專辦東家頂上美酒  
呼聲公司  
認明此標

如以上所黏各標頭無本行不殺呼聲華字者即為假貨幸勿為之誤買本行有厚望焉  
大英一千八百八十九年十二月三號  
不殺呼聲即前加珍洋行謹啟

啟者本行所售之鐵櫃在本坡馳名已久素蒙 諸君購用無不盛稱其妙計此櫃之大小共有五等而價最少亦在九十五元以上而此鐵櫃乃歐洲著名工師所製極為美善本坡所有西人齊智人以及作椒密生理諸華商多向本行購買以為貯銀之用因本行所沽者均用上等物料製造而成不惟能壯觀瞻且異常堅固無論火燒盜劫均保無虞貨美價廉莫此為甚倘 諸君有欲購此櫃以收藏重寶可至本行選閱是幸特此聞佈  
大英一千八百九十年正月四號  
不殺呼聲公司即前  
加珍目不殺公司謹啟